

## الإدّه

الإنسانية مطلوبة بجد بزياده  
والاحترام يبقي فوق العاده  
لو ضعيف عنك يبقي بكفايه  
ما فيه من ضعف يا سادّه  
\*

الدنيا دايمًا للحنن ولادّه  
للصديق اختار ده ولا ده  
الصاحب الجدع أتمسك بيه  
الخسيس دوس عليه ببيادّه  
\*

صديق مربوط معك بلبادّه  
سرك معاه كلامي بأفادّه  
لو صار عدو يبقي بهوادّه  
يعيب جاب اللعنة لأجدادّه  
\*

يكشف سرك رغي وإعادّه  
ولا يبطل كلام ولو بعيادّه  
الندل دايمًا يعيب ف أسياده  
الأصيل بجد رقبته سدادّه

أه يا زمان العبيد والساده  
غنى من ريش النعام له وساده  
وعاجز محتاج عكاز أوسناده  
حزين وباشرب قهوتي ساده  
\*

متعلم و معاه أعلى شهاده  
بيدور مش لاقى كالعاده  
شغل يجيب غدى أو زواده  
غلب وقال أشتغل بالحداده  
\*

لقي شغل مع زميله عباده  
يسجل اللي جايه في ولاده  
شغل حد يفك الخط عيني  
عباده أبوه صاحب العياده  
\*

قال أحسن لى أسوق لاده  
زاميلوا شافوه قالوا إلا ده  
داخ ووقع جابولوا مداده  
دماغه نار حطوله كماده  
\*

سمع الست وحليم ومياده  
و قال يا دنيا خلّيك وداده  
أنا حر أصيل صلب وقبياده  
قام بعزمه علي المرض أباده